

{ قُتِلَ الْإِنْسَانُ مَا أَكْفَرَهُ }- تفسير سورة عبس .. الحلقة (40)

.. #دعوة_حب .. د . حازم شومان

حازم شومان

على بصيرة انا ومن اتبعني وسبحان الله وما انا من المشركين السلام عليكم ورحمة الله وبركاته. الحمد لله وكفى وصلاة وسلاما على

عباده الذين اصطفى. اللهم لك الحمد كله ولك الملك كله - 00:00:00

وبيدك الخير كله واليك يرجع الامر كله. لبيك يا ربنا وسعديك والخير كله. والخير كل الخير في يديك والشر لك ليس اليك انا بك

واليك تباركت وتعاليت. استغفرك واتوب اليك. اللهم صل على محمد وعلى آل محمد كما - 00:00:38

صليت على ابراهيم وعلى آل ابراهيم انك حميد مجيد. اللهم بارك على محمد وعلى آل محمد كما باركت على ابراهيم وعلى آل

ابراهيم انك حميد مجيد. الهي الهي ان اتيت بكل ذنب فلا اولى بعفو منك عني - 00:00:58

الهي قد جنيت واي عبد ضعيف الخلق مثلي ليس يجني. الهي من سواك يزيل همي ومن ادعوههم مضطرا يجيرني الهي. الهي وسيدي

ومولاي اللهم لك الحمد كما ينبغي لجلال وعظيم سلطانك ثم اما بعد اخواني في الله. تخيل يا اخي تخيل لو انت دلوقتي فوجئت ان

فيه خبر جا لك ان اجتماع مجلس الوزراء بقى له ساعتين - 00:01:18

كل الوزرا مجتمعين بيتكلموا عنك انت وبيتناقشوا في امورك انت. تحس بعزة شكلها ايه وتحس باهتمام. وقيمة في الدنيا كلها شكلها

ايه. طب تخيل لو انت الوقتي فوجئت ان فيه قناة قناة اخبارية مسلا زي قناة الجزيرة بقى لها ساعتين عاملة فيلم تسجيلي عنك انت

وبتكلم عنك والدنيا كلها - 00:01:48

اتفرج هيبقى احساسك ايه؟ وفخرك ايه؟ واحساسك كده ان لك قيمة في الدنيا ايه؟ طب تخيلوا يا اخواني ان احنا ممكن الوقتي

واحنا بنتدارس كتاب ربنا. واحنا بنتكلم في صورة منصور كتاب ربنا سبحانه وتعالى. ممكن ربنا يذكرنا في الملأ الاعلى. الله جل جلاله

مع الملائكة ملائكة الملأ الاعلى. لو انت - 00:02:08

عشت بقلبك مع الايات اللي احنا بنتكلم عليها. ولو احنا عشنا بقلوبنا مع هذه الايات. تخيلي ان الله ملك الكون كله. ملك الوجود كله

يتكلم عننا ويتكلم عن الجمع. اللي قاعد الوقتي يتكلم ويسمع في تفسير كتاب الله. سبحانه وتعالى اي شرف ده الاحساس ده يديك

الشرف شكله ايه؟ يديك احساس - 00:02:28

الفخر شكله ايه؟ يدينا احساس بالقيمة شكلها ايه؟ الله! من فوق سبع سماوات يتكلم عننا احنا. يبقى احنا لنا قيمة يا جماعة عند ربنا

سبحانه وتعالى يبقى الطريق اللي احنا ماشيين فيه ده اعظم طريق واغلى طريق. لانه مش بيغلي لك قيمة عند واحد من اهل الدنيا

ولا واحد غني ولا واحد زو مركز ولا ملك - 00:02:48

ولا الرئيس ده عند الله سبحانه وتعالى؟ ابشروا يا اخواني باعظم طريق واجمل طريق واروع طريق اللي ربنا سبحانه وتعالى هداه لي

هدانا له بازن الله سبحانه وتعالى يعني للاسف كل ما الواحد ينزل وسط شوارع يعني المدن بتاعة بلادنا القاهرة احيانا الواحد بينزل

بعض بنات مناطق يتهيأ له ان كلها سياح - 00:03:08

ان كلها اجانب. افاجأ من اللي معي ان دول كلهم مصريين. طب ازاي كل دول مصريين؟ يعني شباب المحروسة وصل للدرجة ديت؟

انا مش عايز افسد فرحة الشباب طبعا بالمناسبة الجميلة اللي احنا عايشين فيها. مش عايز افسد فرحة الشباب. بالمناسبة العظيمة

اللي احنا عايشين فيها. مش عايز افسد فرحة شبابنا - 00:03:28

بكأس العالم اللي الشباب كله اسبته ان مش لو شفروه على القنوات لأ. ده لو شفروه في القمر الشباب هيطلع القمر يتفرج عليه. اللي الشباب ان هم مش لو جابوه ايام الامتحانات ولا جيبوه ايام ضرب غزة ده لو جابوه مهما جابوه في اي زمن برضو هيتفرجوا عليه. يا ترى يا جماعة - [00:03:48](#)

يا ترى الشباب اللي هيكسب في كأس العالم مين ؟ امريكا اللي بتدعم اليهود في قتل اخواننا في فلسطين ولا اللي هيكسب في كأس العالم يا جماعة انجلترا اللي ساعدت امريكا في ضرب - [00:04:08](#)

ولا اللي هيكسب في كأس العالم مين ؟ فرنسا اللي وقفت جنب الدنمارك في شتم رسول الله صلى الله عليه وسلم. يا ترى اللي هياخد هداف كأس العالم واحسن لعيب في كأس العالم مين - [00:04:18](#)

ميسي اللي كل ما يجيب جون يعمل علامة الصليب ولا كريستيانو رونالدو اللي يوم القيامة هيجي ماسك في رقبة الشباب المسلم اللي يتفرجوا عليه ويقول لهم انتم ما دليتشوش ونشفع لربنا ليه ؟ سبحانه وتعالى. اخواني في الله الواحد لما ببشوف احوال الامة لما ببشوف اللي احنا وصلنا له - [00:04:28](#)

لما بنشوف اللي احنا بقينا فيه. لما بنشوف درجة المعاصي اللي ربنا بيعصى بها ليل نهار في المجتمع. الواحد بيذكر قول الله في صورة عبس. اللي عليها الدور النهارده بازن الله - [00:04:45](#)

سبحانه وتعالى بيذكر قول الله قتل الانسان ما اكفره قتل الانسان! قتل الانسان ده مين اللي بيقول كده يا جماعة؟ ده ربنا. ده اللي خلق ده اللي الملايكة لما رأأت معاصي ابن ادم وقالت لله يا رب يا رب أوامر البحار تغرقهم. يا رب أوامر الجبال تخسف بهم الارض يا رب أوامر - [00:04:55](#)

الارض تتزلزل بهم. يا رب أوامر السما تقع عليهم. ربنا قال لهم لو خلقتموهم لرحمتموهم. ده ربنا اللي ارحم بك من امك وابوك ربنا سبحانه وتعالى اللي رحمة امك وابوك وكل احبابك ذرة من قطرة من جزء من ميت جزء من رحمة ربنا سبحانه وتعالى انزلها في الارض. انت متخيل يعني - [00:05:15](#)

مين اللي بيقول قتل الانسان الله! لما ربنا يقول قتل الانسان امال مين اللي هيرحم الانسان! لما ربنا يقول قتل الانسان امال مين اللي هينقز الانسان اوامال مين اللي هينجي الانسان لما ربنا يقول قتل الانسان لما ربنا سبحانه وتعالى يقول طب قتل الانسان دي؟ لو بشر قالها على بشر يبقى بيدعي - [00:05:35](#)

طب لما ملك الملك يقولها على بشر يبقى ده حكم من الله. طب لما البشر بيحكموا على واحد بالقتل يبقى معناه انه عمل جريمة. اوامال لما ربنا يحكم على بالقتل يبقى عملوا ايه؟ قتل الانسان ما اكفره. الانسان لما بيعصي ربنا ما بيبقاش عارف هو بيعمل ايه. بيبقى عامل زي القطر اللي واخد في - [00:05:55](#)

وشو بيدوس اي حاجة. بيدوس على اي حاجة ما بيرضاش يرجع ابداء. الانسان لما بيعصي ربنا كل يوم بيزيد. طب ارجع طب خد راجع. طب ربنا طب خافي من الله سبحانه وتعالى. ما اكفره ما اكفره. زي ما تقف قدام جبل كبير وتقول ما اعظم جبل راسخ ما بيتزلزلش - [00:06:15](#)

ما بيتحركش. ما اكفاه لما بيعصي ما بيرضاش. ما بيتغيرش ما بيرجعش. ما اكثر الانسان بيبص للمعصية انها فرصة. بيبص لاسباب انه ممكن يدفع عمره كلها عشان يحصل اسباب الدنيا باولها ومراكزها. بيبص للدنيا بنزرة تعظيم رهيبة. طب بالنسبة للآخرة؟ قتل - [00:06:35](#)

ما اكفره بعد الحلم ده والرحمة دي والمغفرة دي والعفو ده والصفح ده بعد كل ده من الله والنعم دي ييجي الجحود ده من ابن ادم. ما اكفره! شف الكلمة اللي تقطع القلب في القرآن. وما وجدنا - [00:06:55](#)

اكثرهم من عهد الشاب ييجي خلاص راجع يا رب. انا ندمان على اللي عملته يا رب خلاص مش هابعد ثاني يا رب. شهر اتنين ثلاثة ربنا ورجع وساب كل اللي كان بيعمله. وانتكس ورجع يعمل اسوأ من اللي كان بيعمله قبل كده. تقول خلاص انا راجعة يا رب. انا - [00:07:15](#)

عهدتك يا رب مهما عهدته. مهما قالت له راجعة مهما قالت له تائبة. مهما قالت له خلاص يا رب شهر اثنين ثلاثة. تلاقي كل حاجة راحت والعهد اتنسي وما وجدنا لاكثرهم من عهد. ما اكثره قتل الانسان! ما اكفره! هو بيعمل كده ليه! هو بيتصرف - [00:07:35](#)
كده ليه؟ انا طلبت منه الاخرة وضمنت له الدنيا. الاخرة اللي اللي طلبتها منه سابها. والدنيا اللي ضمنيتها لاقبل عليها سبحانه الله العظيم. قتل الانسان ما اكثر. من اي شيء خلقه. هو ايه ده! ما اكفره! هو مش فاكرو اتخلق من ايه! عارفين اللي يقول لك انا -

[00:07:55](#)

ما تقدرش ما تقدرش على ايه من اي شيء خلقه. ده انت بدايتك كانت تراب. عارف يعني ايه تراب؟ تراب ده يا جماعة لما لما حاجة ترخص ما عادش يبقى لها قيمة ولا عاد يبقى لها لازمة. يقولوا ده بقت رخصة تراب. يعني انت قبل ربنا قبل ما ربنا يمن عليك كنت رخيصة - [00:08:15](#)

قد ايه؟ يعني انت من غير ربنا ما لكش قيمة قد ايه؟ من تراب من اي شيء خلق؟ ده انت كنت شوية تراب. عارفين يعني ايه تراب يا جماعة؟ تراب يعني لو اتكب عليك شوية - [00:08:33](#)

تراب. تتوسخ تروح تغسل هدومك. التراب بقى عالم فضاء. التراب فجر الزلّة التراب. فجر الزرة. التراب. طلع القمر تراب ومهندس كمبيوتر التراب خد نوبل. التراب التراب بقى شاعر التراب بقى مبدع. التراب بقى كل ده اهو يا جماعة - [00:08:43](#)
تخلوا العاصي لما يقف قدام ربنا يوم القيامة. ربنا يقول شف انت كنت ايه وعملتك ايه. لحم وجهه يسقط من الخجل. لأ. ده في بعض الآثار انه يناشد يقول له يا رب اذهبه الى جهنم والعياذ بالله ربنا يوديك جهنم. رحمة من هذا الموقف ارحم به. من الموقف اللي هو فيه بين ايدين - [00:09:03](#)

ربنا سبحانه وتعالى فليتك تصفو والحياة مريرة وليتك تعفو والانام غضاب. وليت الذي بيني وبينك عامر وليت الذي بيني وبينك عامر وبينني وبين العالمين خراب. اذا صح منك الود فالكل هين وكل الذي فوق التراب تراب. كله تراب. يعني البداية كان التراب. طب لما اتفقيت بقيت طين - [00:09:23](#)

فيه تربة طينية الطين ده يا جماعة يعني انت جاي اصلا شوية من الصحرا وشوية من غابة وشوية من ارض خضرا وشوية تخيل فيه ناس طبعها زي الارض الخصبة لما يسمع كلمة عن ربنا حياته تتغير. واحد قلبه عامل زي السحرة ما بيتغيرش ما بيتأسرش. مهما يترمي فيه بزور الدين والهداية - [00:09:53](#)

ما تتبتش في قلبه ما بيتغيرش. ما يقربش مهما حصل. بعد كده بقيت طين عارف الطين. عارف بعد لما اتطورت من طين بقيت طين لازم. يعني ايه الطين زي الصلصال اللي بيتشكل كده. حاجة يعني انت ضعيف اوي. انت ممكن تتشكل لاي حاجة. انت ممكن تبقي اظهر عابدة. وممكن تبقي ايه. اي واحدة ممكن - [00:10:13](#)

تبقي زي اظهر عابدة وممكن تبقي زي افسد انسانة في الدنيا. اي انسان ممكن يبقى ايه وممكن يبقى ايه. انت ضعيف. انت محتاج ربنا. انت محتاج ان ربنا يثبتك على الطاعة. ده انت كنت طين لازم. ولما اترقيت بعد سيدنا ادم بقيت نطفة. عارف يعني ايه نطفة - [00:10:33](#)

من اي شيء خلق من نطفة؟ ده انت كنت نطفة عارف يعني ايه نطفة؟ نطفة يا جماعة لما يجيبوا جردل مية ويكبوا الماية اللي فيه نقطة الماية اللي بتتبقي فيه اسمها نطفة - [00:10:52](#)

حديس رهيب لرسول الله صلى الله عليه وسلم. بيقول الناس لادم وحواء جاينين من ادم وحواء. كطف الصاع. يعني الصاع ده زي قد علبة السمينة كده دي علبة السمينة اللاتنين كيلو كده. ده الصاع كطفي الصاع يعني زي حاجة مالية كده علبة سمينة اتنين كيلو. كطفي لن تملؤوه. مش هتوصلوا للطرف - [00:11:02](#)

يعني ايه؟ يا جماعة علميا النطف دلوقتي على وجه الارض ستة مليار بني ادم. كل واحد جاي من حيوان منوي. لو اتجمعت الستة مليار نطفة عارفين تاخد مساحة قد ايه - [00:11:22](#)

ما تاخذش مساحة سرنجة عشرين سنتي. يعني تخيلوا الستة مليار دول لو اتحطوا في صفيحة السمينة ما يجوش حاجة فيها اصلا

الرسول عليه الصلاة والسلام يقول كطف الصاع لن تملؤوه. لو اتجمعت نوبة في البشرية كلها يوم القيامة اتجمعت ما تملأها. انتم عارفين انتم ايه؟ انتم ما قلتوش حاجة. ده انتم - 00:11:32

اوي! ده انتم قليلين اوي! ده انتم اضعف من الضعف نفسه! حسبت نفسك اوي ليه! ايه اللي خلاك تشوف نفسك نطفة لما ترقيت! النطفة دي بيسموها العلم حيوان منوي. يعني لما اترقيت بقيت حيوان منوي. تخيل كلمة حيوان دهيت. تخيل يعني ايه نطفة؟ حديس البصقة. لما الرسول - 00:11:49

بصق في يده ثم اشار باصبعه وقال يقول الله يا ابن ادم انا تعجزني انا تعجزيه انا تعجزه انا وقد خلقتك من مثل هذا. ده انت كنت حنة نطفة. حتى اذا سويتك وعدلتك وبقيت شاب وسيم. وبقيت بنت جميلة وبقيت - 00:12:09

كده تملأ العينين. حتى اذا سويتك وعدلتك مشيت بين بردين. لبست بقى اللبس الجديد ولبست الموضة ولبست احدث حاجة ولبست اغلى حاجة تمشيت بين بردين وللارض منك وئيت وايد الارض بتتهز هز بصوت العربية وانت ماشي بها بصوت رجلك وانت ماشي به بصوت - 00:12:29

كعب وانت ماشية تدق الارض به وللارض منك وئيت. حتى اذا سويتك وعدلتك مشيت بين بردين وللارض منك وئيه. حتى اذا بلغت التراقي الروح جت تخرج قلت اتصدق وان اوان الصدقة؟ راحت خلاص. راحت الانسان لما يفتكر انه نطفة زي ما - 00:12:49
الحسن البصري كان بيقول يا ابن ادم كيف تتكبر عليها وانت تتنك عرق حنة عرق عرقي ما يخليش حد يقرب منك. وتقتلك شرقا. شرقة مية تموتك. وتؤذيك بقة حنة حشرة صغيرة تؤذيك يا ابن ادم - 00:13:09

كيف تتكبر عليها وكيف يتكبر عليها؟ من كان اوله نطفة نذرة. حنة نطفة حيوان منوي. واخره جيفة قذرة تحت تراب في القبر وهو بين اذى وذاك يحمل البول والعذرة. ازاى؟ كيف تتكبر عليها؟ من كان اوله تراب واخره تراب - 00:13:29
قتل الانسان ما اكفره من اي شيء خلقه من نطفة النطفة لما تطورت بقت ايه؟ بقت علة يعني ايه علة؟ حنة دودة بتعيش على مص الدم بتاع الحيوانات. كان الانسان سنتي ونص قد الدودة متعلق في الرحم. ييمص الدم من جدار الرحم افقر منظر في الدنيا كلها - 00:13:49

زي واحد متعلق في بلكونة في الدور المية لو اتساب هيقع يموت. زي واحد متعلق في خشبة في البحر لو اتسابها يغرق. كنت علة ولما تطورت العلة ديت كاتبة مضغة حنة لحمه. اي حيوان صغير لو شافها مرمية على الارض هياكلها وخلاص. مين اللي حماك؟ ومين اللي حفزك؟ اتكبرت ليه؟ فكرت افتكرت انك قوي ليه - 00:14:09

هو ربنا بيقول لنا كده ليه؟ ربنا بيقول لنا كده يا جماعة عشان لما واحد يبجي يتكبر يوم واحد يقول له يا عم افتكر انت مين؟ ده انت ابوك كان مش لاقى ياكل - 00:14:29
وجدك كان بيروح للناس واحد يأكله وواحد ما يأكلوش. وجد جدك كان يا عيني غلبان مش عارف بيعمل ايه. انت ناسي اصلك. ربنا بيفكرنا باصلنا. بيقول لنا انتم نفسكم ده انتم كنتم علة اولاد نطفة اولاد تراب اولاد انتم داسين نفسكم ولا ايه؟ ربنا بيذكرنا بسلتكم - 00:14:39

ليلة النسب بتاعتنا كم مرة ربنا ذكر في القرآن النطفة والعلة والمضغة والتراب والطين والطين اللازم والصلصال والصلصال اللي زي الفخار المسنود والماء كم مرة ربنا ذكرنا باصلنا في القرآن يا جماعة؟ عشرات المرات عشان ما ننساش سلسلة النسب بتاعتنا من نطفة - 00:14:59

من نطفة خلقه فقدر من نطفة خلقه فقدره هات شوية تراب في حنة كده شوية تراب هات الشاشة اهي دلوقتي اقسما نصين نص شوية تراب ونص حط فيها قلب وكبد وكلى خلقه فقدر. كل حاجة متقدرة فيه. كل حاجة محسوبة فيك. كل حاجة في اعزم اتقان وتقدير فيك. ازاى ده بقى ده - 00:15:19

هات نص الشاشة شوية تراب. ونص الشاشة مخ وعقل ومشاعر وحب وطموحات وامال. واهداف عليا وكراسي ومراكز ومناصب وعقارات واموال وارااضي وكبر وغرور نص ده ونص ده ازاى من ده من نطفة خلقه فقدره ثم السبيل يسرها ثم السبيل يسرها ده.

منزر الولادة منزر ولادة الانسان - 00:15:41

منظر الانسان وهو بيتولد. ربنا وضعه امامك. افكر وانت بتتولد. افكر انت خرجت الدنيا دي ازاي؟ وخرجت الدنيا دي منين افكر انت جاي منين ما تنفضش هدومك وتعمل باشا وتمشي كده. يعني الدنيا كلها ما هياش سايعات. سم السبيل يسرها. يا جماعة سم

السبيل يسرها سبيل الولادة - 00:16:11

ان الجنين لقي طريق يعرف يخرج. الكلام ده يا جماعة. الكلام ده دلوقتي احنا ممكن نكون مش قادرين نقدره. ولكن من عشرات

السنين بس. يعني او مسلا من من يعني ايه - 00:16:30

يعني مئات قليلة من السنين قبل ما يخترعوا الولادة القيصرية السيزريان. قبل ما يخترعوا السيكتشن بتاع الولادة القيصرية. قبل ما يخترعوه كان يا جماعة الولادة دي شيء مرعب. شيء لان اللي مش هيبسر له السبيل يخرج. هيموت في البطن وامه هتموت معه -

00:16:40

تخيلوا يا جماعة اللي مش هيبسر له السبيل الذي فيه في اللغة يكادون يسطون بالذين يتلون عليهم اياتنا. قال لك يعني ايه السطو ده؟ قال لك السطو لما يكون فيه دابة كانت بتولد او دابة حامل وتخاف عليها من الجنين اللي جوة بطنها. كان صاحب الدابة يدخل

ايده يقطع الجنين دا حتت - 00:16:56

جسمه حتت ويخرجه حتة حتة. اهو ده السطو في اللغة. يعني ايه؟ ثم السبيل يسرها. يعني يا جماعة انتم مش قادرين تتخيلوا لو ربنا ما كانش يصطى بك كسبيل كنت انت حصل لك ايه؟ وكانت الحامل حصل لها ايه؟ ثم السبيل يسر في قول ثاني قال لك السبيل

ده اللي هو سبيل الهداية - 00:17:16

ان طريق الدين سهل. ان سبيل ربنا سهل. ان طريق الوصول لربنا سهل. ان ربنا سهل لك الطريق. الطريق مش صعب. الوصول لربنا

مش صعب. الدين ده اجمل شيء على وجه الارض - 00:17:36

كلها الشغل عند ربنا ده اروع شغل في الحياة كلها. ثم السبيل يسرها. ثم اماته فاقبره. فاقبره. يعني تنزل التراب غصب عنك. قدرة ربنا عليك. انت اتولدت في لحظة ربنا اللي قدرها. وهتموت في لحظة ربنا اللي قدرها. ومهما اترجيت - 00:17:46

ان هم ما يتفرجش ما حدش هيسمع كلامك منهم. اول ما الريحه هتطلع كلهم هيدفنوك عشان يتخلصوا من الريحه. اللي ممكن تقلب الدنيا كلها. تخيلوا يا جماعة اما اماته فاقبره. حد مننا حد مننا يقدر ينزل. بكرة يعمل زيارة للمقابر؟ اه. لأ بس مش اي مقابر. روح

مقابر عيلتك. رح - 00:18:06

اللي انت لو مت هتدفن فيها. اقف قدامها وبص لاي قبر مفتوح منها. الامر ده لو انا مت النهاردة هدخل فيه. حاول تدخل. حاول ولو حتى تبص في قبر او تدخل راسك فيه. القبر ده فعلا حقيقة ممكن يكون بيتك ليوم القيامة. ثم اماته فاقبره. تخيل الامر ده يا جماعة.

يا اخوانا الرسول عليه - 00:18:26

عليه الصلاة والسلام سعد مرة على المنبر فحدس الناس بحديس السيدة عائشة بتسمع الكلام بتاع النبي عليه الصلاة والسلام لقت الصحابة فجأة بدأوا يبكوا وبدأوا يضجوا ضجة ما عادتش سامعة النبي بتقول ايه؟ بيقول ايه عليه الصلاة والسلام؟ فبتسأل واحد

من الصحابة - 00:18:46

الرسول عليه الصلاة والسلام كان بيقول ايه؟ قال لها قال رسول الله صلى الله عليه وسلم انكم تفتنون في قبوركم قريبا او مثل فتنة المسيح الدائم يعني ايه؟ فتنة المسيح الدجال ده اروى اربع فتنة هتيجي على تاريخ الارض كلها. معزم الكرة الارضية هيكفر على

ايد المسيح الدجال والعياذ بالله - 00:19:00

هيكفر بالله والعياذ بالله وهيعبد المسيح الدجال. فيه انت فزيعه اروع اخطر ما وصلت اليه المنزلة الابليسية واليهودية في العالم كلها افراز لها في تاريخ البشرية قوى المسيح الدجال. لا فايث بقى ولا ماركس ولا لينين ولا الناس دي كلها تيجي حاجة في المساح

الدجال. اربع فتنة في تاريخ البشرية كلها - 00:19:20

الرسول قال لهم انتم هتمتحنوا جوة قبوركم امتحان زي امتحان المساء الدجال. ازاي يا رسول الله؟ ده هيقولوا لنا من ربك؟ هنقول

ربي الله. من نبيك؟ هنقول نبي محمد يا رسول الله - [00:19:40](#)

والله الموضوع بسيط لا. هو انتم فاكرين ان الملايكة هتيجي لكم تقول لكم احنا ملايكة مسلمين من عند الله الواحد الاحد الصمد. اللي ارسدوكم اما تقولوا بقى مين نبيكم تقولوا محمد؟ الملايكة مش هيبقى معروف اصلا هي جاية هي تبع انت في القبر تلاقي اثنين داخلين عليك. من ربك؟ ما دينك؟ من نبيك؟ نبيك - [00:19:50](#)

مين؟ انت فكرك ان دول جايبين بيقلولوا لك سيدنا محمد النبي هو النبي ولا لا؟ انت ما انتاش عارف اصلا دول مين؟ اللي مش موقن هيتربع يجاوب. اللي مش موقن هيتربع - [00:20:10](#)

لان ده امتحان مصيري. عشان كده اللي يجاوب ويقول نبي محمد عليه الصلاة والسلام بيقلولوا له ايه؟ بيقلولوا له على اليقين عشت وعليه مت وعليه تبمس ان شاء الله! يعني ده انسان عاش على اليقين امتحان خطير يا جماعة - [00:20:20](#)

ثم اماته ثم اماته فاقبر ثم اذا شاء انشر اذا شاء اذا دي يعني مش ممكن يشاء وممكن لا اذا يعني يقين يعني وقت ما يشاء خلاص يقوم الانسان من القبر. يعني ايه؟ يعني ممكن انسان يا جماعة قدرة ربنا الرهيبة عليك. يعني ممكن انسان يا اخواني يموت في مكانه ويتعفن - [00:20:35](#)

انه يتحلل ويبقى خلاص تراب. الله يأمر انه يقوم يقوم. كن فيكون. ممكن واحد تاني مات غير الف بحر. السمك كله. عشر تلاف سنة سمكة كل سمكة كلت حنة. كل سمكة اصطادت في بلد وواحد كلها. تخيلوا يا اخواني المنزر ده. الله يقول له يوم القيامة كن -

[00:20:55](#)

تخيل واحد مات في صحرا جت وحوش ميت وحش كلوه. الوحوش كل وحش مات في يوم من الايام. الدود كل الوحوش ده هي الدود بعد كده مات واتحلل. الله يأمر ان فلان دهو. كن فيكون. الموضوع كبير. الموضوع خطير قدرة ربنا العظيمة - [00:21:15](#)

قدرة ربنا الجليل سبحانه وتعالى ثم اذا شاء انشره يلاقي نفسه واقف. انتم فاكرين الساعة يا جماعة؟ موضوع الساعة ده موضوع بسيط يا اخواني. القضايا مش قضية ان فيه جبال وفيه سماء - [00:21:35](#)

ساقط القضية ان انسان يصحى على المنزر ده. الواحد بيحربها ساعات لو صحيت على زلزال. لو صحيت على بيت بيقع. لو صحي حد صحي على قصف ولا حاجة في غزة - [00:21:48](#)

ربنا ينصر اخوانا في غزة يا رب. انت متخيل الفرع اللي بيصحى فيه ساعتها. الانسان يصحى القيامة ثم اذا شاء انشره كلا لما يقض ما امره لما يقضي ما امره ما فيش انسان - [00:21:58](#)

الايام اللي ربنا امره به. يعني ما فيش انسان عمل كل مستحبات الدين. يا عم مش مستحبات. فرائض ما امرك. ما فيش واحد جاب كل الفرائض ما فيش واحد شكر ربنا على كل النعم ودي فريضة. ما فيش واحد تاب من كل الزنوب ودي فريضة. ما فيش واحد نفز كل الاوامر ودي فريضة. احنا كلنا - [00:22:12](#)

يا جماعة. انت مش حاسس بالتقصير؟ انت مش حاسة انك مقصرة؟ انت مش حاسة انك بعيد؟ ازاي يا اخواني مهما وصلت لازم تحس بالتقصير. ده احنا في سورة صورة الانكسار لله. السورة اللي بتتكلم عن الانكسار اللي قالت للنبي عليه الصلاة والسلام عبس وتولى. ما فيش حد يطلع فوق العبودية - [00:22:32](#)

كله لازم ينكسر لله ولو كان احب خلق الله الى الله. سيدنا محمد عليه الصلاة والسلام الصورة اللي نزلت باسم عبد الله ابن ام مكتوم او عمرو ابن ام مكتوب على اختلاف المفسرين في اسمه. السورة اللي نزلت باسم عبده ربنا قال عليه واما من جاءك اسعى -

[00:22:52](#)

هو يخشى مكسور مقام المنكسر عند الله مقام عظيم قد ايه. ربنا يسمي باسم سورة يا اخواني ثم اذا شاء انشر كلا ده لا يمكن يتسكت عليه. ده لا يمكن يحصل. ده لا يمكن يقع ابدًا كلا. كلا دي كلمة غضب. تخيل ربنا بيغضب. يعني ايه ربنا بيغضب يا جماعة؟ يعني مش

مدير - [00:23:10](#)

غضب. يعني مش دكتور مادة غضب على الضيوف علاء يا جماعة. مش حاكم غضب على شعبه. لا يا اخواني الله! الله غضب يعني

ايه؟ لما ربنا وتعالى يقول قل من يرزقكم من السماء والارض - 00:23:30

امن يملك السمع والابصار ومن يخرج الحي من الميت ويخرج الميت من الحي اللي يملك روحك. ومن يدبر الامر فسيقولون الله قل تتقون يعني ايه؟ يعني انتم بتعصوني ازاي؟ الله! امن يملك السمع والابصار! ده انا ممكن اعميكم واصمكم! من يرزقكم من السماء والارض! ده انا ممكن اقطع عنكم الرزق كله - 00:23:43

من يدبر الامر ده؟ ممكن اقلها في وشكم من كل جهة. الامور كلها تعسر عليكم. من يملك السمع والابصار؟ من يدبر الارض؟ انتم مش متخيلين انا من يخرج الحي من الميت! ده انا ممكن اقبض روحكم الوقتي! انتم مش يعني انا اقدر اعمل فيكم كل ده! وانتم مش خافين! عشان كده لما ربنا بينعم على الانسان - 00:24:05

يوم القيامة النعم دي كلها لو عصى ربنا وما تابش النعم دي كلها تتسحب منه. ونحشرهم على وجوههم ها عميا وصم ونحشرهم يوم القيامة على وجوههم عميا وبكما وسميا. عمي ليه؟ لان العين دي كانت نعمة. هات العين. بكم لان اللسان ده كان نعمة هاته. صم الودن كانت - 00:24:25

هاته خلاص اتسحبت. كلا لما ربنا يغضب الموضوع مش بسيط. الله الله غضب يا جماعة. الله غضب كلا لما يقضي. لما يقضي ما امرك كم مرة شفت منكر وما تأسرتش كم مرة شفت ربنا بيتعصر وما اتهزتش كم مرة راحت عليك الشيطان بل في اذنك وقت الفجر؟ كم مرة سرحت - 00:24:45

في الصلاة كم مرة صليت صلاة ما انتاش داري انت قلت ايه. من اولها لآخرها. كم مرة شوحت لامك وابوك وعقيتهم كم مرة. اغتبت واحد لا انت فاكرك هو مين ولا انت فاكرك - 00:25:05

فاكر اصلا تجيبه ازاي وتستسمحه؟ كم مرة يا جماعة؟ كلا لما يقضي ما امر اديتك عينيك بصيت فيها كم مرة للحرام وكم مرة في كتاب الله ادتك وذنك سمعت بها كم مرة كلام الله وكم مرة معازف محرمة ادتك لسانك. ذكرت به الله كم مرة واغتبت به كم مرة؟ كلا - 00:25:15

لما يقض ما امر تخيل لو صحيفتك الوقتي جت لك وعديت اللي اكتب عليك فيها. كلا لما يقدم امره احنا مقصرين يا جماعة. احنا مقصرين في حق الله سبحانه وتعالى. مش مقصرين في وظيفة دنيا ولا في شغل دنيا ولا في احنا مقصرين في حق الله سبحانه وتعالى - 00:25:35

استحق اوامر حقه سبحانه وتعالى. كلا لما يقضي ما امر فلينظر الانسان الى طعام ان صبنا الماء صبا آآ يعني ايه كأن ربنا بيقول انتم مش حاسين ان انتم بتاكلوا قد ايه؟ سببنا انتم عارفين بينزل على الكرة الارضية كل دقيقة كم الف - 00:25:53

الف متر مكعب مطر. انتم مش حاسين انتم بتاكلوا قد ايه البشر لما يكون واحد عنده طفل بيأكله بييجيب له سندوتشين ثلاثة لما يكون عنده عشرة لأ ده حل الطبخ. تخيل ستة مليار بني ادم كل يوم فطار يا رب. غدا - 00:26:13

عاش يا رب كل واحد فيهم بياكل له عشر ولا خمس وجبات في اليوم. تخيل مليارات ستة مليار بق مفتوحين. والسما بتصب الرزق صب اقل اعصابنا صبة انتم مش قادرين تتخيلوا انتم بتاكلوا قد ايه! يا جماعة افمن هو قائم على كل نفس! يعني ايه؟ يعني الوقتي ربنا مش بيدينا مائة كده - 00:26:29

يلا نزلنا الماية في نهر النيل. يلا بقى بتوع اسويويا والسودان ولمصر. اتصرفوا مع بعض بقى واشربوا لا يا جماعة. على كل نفس يعني ايه؟ يعني ربنا مش المية وانتم اتصرفوا لا ده الماية دي ربنا سبحانه وتعالى هيرتب انها تمشي لغاية ما تدخل البلد دي تدخل محطة الماية دي تدخل الماسورة - 00:26:49

الصورة دي تطلع البيت ده الشقة ده عشان بق الماية ده رزقك وانت قاعد في بيتك والماية دي هتروح المكان ده هيتعبى منها قلة تتحط عشان واحد هيعدي دي رزقه وجاية له. يعني يا اخواني ده موضوع على كل نفس يا اخواني - 00:27:09

ستة مليار بني ادم بيترتب رزقهم واجلهم واحداش حياتهم. والكل متداخل مع بعضه بترتيب عجيب عجيب ادنى صبنا. الماء انتم مش حاسين انتم بتاخذوا كل يوم كم مليون متر مكعب هواء وكام مليون متر مكعب مية وكام الف طن فاكهة وكام الف - 00:27:24

خضار وكام الف طن لحمة انتم مش حاسين. انتم مش حاسين انتم قاعدين تاخذوا قد ايه وتاكلوا قد ايه؟ ان صببنا الماء صبا ثم شققنا الارض شقا. مش النبات اللي شق الارض وطلع! الله اللي شق الارض! مش المطر اللي نزل! الله اللي نزل! ربنا بيقول لك بص لطبق الاكل - 00:27:44

اللي محطوط قدامك استنى ما تاكلش استنى وانت محطوط كده طبق الاكل ده يا جماعة عشانه رياح اتحركت وامطار نزلت وانهار جريت وارااضي اخضرت ومزارع ومحاصيل اتحصدت. وتجارات عالمية قامت عشان في النهاية. حنة التفاحة اللي في امريكا - 00:28:04

اتزرعت. رزقك في مصر الف ايد هتسلمها من مصدر لمستورد. لتاجر جملة لتاجر قطاعي لتاجر قطاعي اصغر منه. للمكان اللي جنب بيتكم للضيف اللي هيجي يزوركم هيشترى. التفاح دهوت هيطلع لك رزقك جاي من امريكا. الف ايد ربنا سخرها عشان توصل لك انت - 00:28:26

انتم مش حاسين عمل لكم ايه؟ مش حاسين نعم ربنا قد ايه انا صببنا تخيل صب نعم الله امال لو ربنا صب علينا من الخزائن امال لو ربنا فتح لك من خزاينه ان ده كله من غير ما تطيع ولا تعمل حاجة. اومال بقى اللي يصب عليه من الخزائن صب من النعم والعطاءات - 00:28:46

الفتوحات والرفعة والنصرة يا اخواني. امال لو ربنا صب عليك بقى عطاءات خاصة مش العطاءات العامة. كل ده ربنا قال عليه في الاخر متاعا لكم بانعامكم طبق الاكل اللي انت مادد فيه بوقك ده البهايم مادة بوقها جنبك فيها - 00:29:07

الموضوع مش فيه ما فيش فيه تمييز. يعني انت بقى تخيل بقى كل ده من غير تمن. اومال اللي اطاع ربنا يديه ايه؟ ان صببنا الماء صبا. يا اخواني نعم - 00:29:24

نعم الملك العظيم الجليل تخيلوا احد الشباب جا لي احد الشباب بيكلمني عن مرض اخوه. يعني الله اعلم بقى اخوه لسة حي ولا اخوه مات الله يرحمه كان مات والله يلطف به ويشفيه. اللهم مين هو وكل مريض مسلم لو كان حي. جه بيقول لي انا اخويا عنده مرض الاعصاب اللي بتربط ما بين المخ وعضلات جسمه كلها - 00:29:34

بتموت بدون سبب معروف فالعضلات نفسها لان الاعصاب دي بتجيب الكهرباء للعضلات اللي بتغذيها. زي الاكل لك بالزبط. العضلات بتموت. فبيقول المرحلة الاولى من المرض ان عضلات الايد والرجل بتبدأ تضرر فيتشل شلل رباعي. المرحلة الثانية ان عضلات ما يقدرش يتكلم. ليه؟ عضلات اللسان تدمر. فما عدش يقدر يحركه - 00:29:54

بيكم ما حدش يقدر يتكلم. المرحلة الثالثة ان عضلات البلع تقف فما حدش يقدر يبلع. عشان كده بعد كده بيموت لان ريقه بينزل في الرئة غصب عنه في عمل التهابات رئوية قاتلة فيموت. الله يعني الله يلطف بمرضى المسلمين جميعا ويهدي غير المسلمين - 00:30:16

انتم مش حاسين يا جماعة ان نعمة البلع. يعني ايه نعمة انك بتبلع؟ انت وانت نايم كدهوت اول بس ما لسانك يبدأ بقك يبدأ اللعاب يكثر فيه. يقوم على طول - 00:30:35

يرسل اشارة للمخ يقول له في لعاب في البوق يقوم المخ يرسل اشارة لعضلات البلع كلها في تناسق مزهل. يقوم عضلات البلع تشتغل بعض زي السيمفونية كده تقوم بالعة في نفس الوقت المخ يصدر امر للسان المزمار يقوم قافل الرئة عشان البلع ما يجيش في الرئتين تنزل في المعدة سبكانك - 00:30:45

وانت نايم مش حاسس بحاجة وتصحي تقصير وتصحي تبرز في المعاصي. وتصحي ما انتش عارف نعمه عليك وانت نايم كان شكلها ايه. وتصحي ترجعي لمعصية ربنا ثاني سبحانه وتعالى نعم الله يا اخوان. نعم الله! ده انا لو لو اديتك وانت عطشان كوباية مائة كده او ازاة مائة معدنية هدية. جزاك الله خير. امال اللي اداك نهر هدية؟ ده لو جارك اداك - 00:31:05

اكلة حلوة في يوم مراتك غابت فيه ولا والدتك؟ شهر كامل جزاك الله خيرا. امال اللي اكلك طول عمرك؟ ده لو انت النور اتقطع عندك جيرانك جابوا لك شمعة كده ولا ولا لمبة ولا حاجة وركبوها عندك. هتقول لهم انا مش عارف اقول لكم ايه. امال اللي اداك شمس -

يبقى من عنده سبحانه وتعالى. يا اخواني نعم الله سبحانه وتعالى دفعنا ايه؟ ده ايه من تمن نعم ربنا! دفعت تمن الايمان! دفعت تمن لا اله الا الله دفعت تمن القرآن ده لو تاجر له تجارة وحت شركة كمبيوتر عملت له برامج كمبيوتر نظمت له شغله وبتاخذ منه الوفات.

القرآن اللي نزل ينزله - 00:31:46

حياتنا على مستوى الدول والافراد. ده تمنه ايه؟ يا جماعة يا اخوانا عايزين نعرف تمن النعم اللي احنا عايشين فيه النعم اللي احنا ما سدناش اي حاجة منها. كلا لما يقضي ما امره - 00:32:06

فلينظر الانسان ينظر النظر اللي هو تقليب البصر في الشيء مع اعمال الفكر. يعني اطباق الاكل قدامك اقف بس اقف شف قصة طبق الاكل ده ايه. شف الارض اتقلبت والمناخ اللي اتقلب وحركة السحب وشف الحاجات الرهيبة اللي حصلت عشان طبق الاكل اللي قدامك دهو شف نعمة ربنا عليك ايه شف - 00:32:20

بعض العلماء قال شف الاكل ده ايه وهيبقى بعد شوية ايه؟ عشان عشان تبقى عارف عشان تبقى عارف مصير الدنيا بكل شهواتها وملزاتها ايه سم اذا شاء انشره كلا لما يقضي ما امره فلينظر الانسان الى طعامه انا صببنا الماء صبا ثم شققنا - 00:32:40

الارض شقا فانبتنا فيها حبا. عايز اكل اه خد اكل اهو. وعنبا وقضبا القبض يا جماعة اللي هو بيتقطع بالمناجل زي البقوليات زي الجرجير عايز حاجة حرشة خد يا عم حاجة حرشة كمان اهي. وزيتونا ونخل عايز مخلل خلل يا عم الزيتون. عايز ايه؟ عايز رطب طرية ونخل - 00:33:00

وحدائق غلبة الحديقة اللي هي العين الانسان لما تشوفها تحقق فيها من الانبهار بجمالها وتنوعها واثارها غلبة. الغلب اللي هي اشجارها عظيمة. متكاثفة طويلة كبيرة. وحدائق غلبة زي الغابات العامة والحدائق العامة - 00:33:20

الحدائق القصور الخاصة وحدائق غلبة شجر فواكه. لا حصر له في الدنيا كلها. هو الانسان جاب الفواكه دي كلها منين؟ من اشجار الغابات جابها واستزرعها وحدائق غلبة وفاكهة واما. عايز تحلي بعد كل ده. خد كمان فاكهة اهو حلي. طب والاب؟ الاب ده النجيلة بتاعة البهائم بقى - 00:33:40

الحشيش بتاع الانعام التبن بتاع الانعام. الاكل بتاع الانعام يعني انت والبهائم كمان. بتاعتك عشان يبقى ما انتاش محتاج حاجة والبهائم تدخل تاكل الخضرة تخرجها لك لحمه. لانيك انت جسمك لا يمكن يكون سبحانه الله وفاكهة واما. متاعا لكم. جرب تجمع في - 00:34:00

كلمة لكم. قلبك هيذوب حبا لله. وخجلا من الله سبحانه وتعالى. متاعا لكم ولانعامكم. فاذا فاذا جاءت اخ اه فاذا اذا جت لليقين

وللفجائية. ليه الفجائية اذا جاءت الصاقة؟ يا جماعة الصاخة ديت الصاخة ديت - 00:34:19

يعني ايه الصفة ديت الحاجة اللي بتصخ الاذن يعني بتطعن الصخ اصلا اللي هو الطعن. حاجة بتطعن في الودان من شدة الصوت بتاعها من شدة الرعب بتاعها فاذا جاءت الصخة الصخ في اللغة الولا اما يجيب حديد واقعد ادق به على حديد. فصول حديد بيخبط على حديد يرعب - 00:34:39

يزلزل القلب. لانيك حاسس ان شيء قوي جدا وببندق اعلى شيء قوي جدا. يزلزل القلب يبقى بتسخ القلب. يبقى بتصخ الاذان. تطعن في الودان من اصوات الرعب اللي بتسمعها. طب وليه عزاب صوت؟ ربنا جاب الصخرة دي. عزاب صوت. الصخة دي مش عزاب مرئي

دا عذاب مسموع ليه؟ لان يومها يا جماعة ظلام - 00:35:00

بها العصاة بيعموا فيبقى الوسيلة الوحيدة اللي بيحس فيها بالدنيا من حواليه. الصوت الصوت يا جماعة فاذا جاءت الصخة. طب وليه الصخة؟ ليه عزاب صوت اول السورة عبس وتولى ان جاءه الاعمى. واحد اعمى البصر بس قلبه منور - 00:35:20

وداخل على الرسول والرسول قاعد مع ناس مفتحين بس قلوبهم ضلمة. يوم القيامة الدنيا تتعكس. هو يبقى وجوه يومئذ مسفرة بصره منور ووشه زي الشمس. وقلبه منور وهم يوم القيامة والعياذ بالله يتعمم ويبقى الوسيلة - 00:35:36

تفاهم مع العالم كله هو الصوت هو الوداد. وتيجي اصوات المرعوبين تصخ الاذان. الصخ في اللغة لما الغراب ينق ويترعب ويفزع

يطلع صوت اسمه الصخر. يعني كأن صوتهم ما بيستغيسوا من معصية بيوم القيامة. صوت الغربان اللي بتنطق والعياذ بالله. يعني اصوات بتسخ الاذي - 00:35:56

وبتسخ القلوب. الصخرة يا جماعة لما حديد يضرب على حاجة مصمطة في اللغة يسموها الصخر. طب هو ايه المصمت اللي في اجسادهم العضم يعني لما عظامهم تتكسر ما هو ربنا بيكلمنا عن الانكسار طول الايات اللي فاتت. طب اللي ما اتكسرش في الدنيا عضمه يتكسر يوم القيامة والعياذ بالله - 00:36:16

حديد الملائكة او بمقامع الملائكة. يعني فاذا جاءت الصاخة كلمة ولكن كلمة معناها قد ايه يوم يفر المرء من اخيه وامه وابيه وصاحبته وبنيه لكل امرئ منهم يومئذ شأن يغنيه. يعني احنا الليلة بازن الله سبحانه وتعالى - 00:36:36

يعني نتيجة نتيجة المواصلات ونتيجة الطريق ونتيجة الزحمة ونتيجة قبل كل ده زنوبنا. يعني الواحد للاسف وصل متأخر فيعني حلقة الليلة كانت استفتاح في صورة عبس. انما بازن الله سبحانه وتعالى المرة الجاية هنكمل. هنكمل من اول فاذا جاءت الصخرة

لغاية ما نوصل لوجوه يومئذ مسفرة - 00:36:54

ولاخر الصورة وبعد كده هنرجع تاني يا جماعة بقى نبدأ بقى من اول السورة عبس وتولى النبي ربنا يقول عليه عبس احب من مشى على وجه الارض كلها ربنا يقول - 00:37:14

عليك كده ان كل واحد قال لا اله الا الله يوم القيامة في ميزانه. ربنا يقول عليه كده ليه؟ ايه اللي حصل؟ وايه الموقف اللي ادى لهزه السورة؟ والسورة تتسمع - 00:37:24

باسم الموقف دهوت. ليه يا جماعة وايه اللي حصل؟ وابن ام مكتوم الغلبان الضعيف الفقير اللي جاي ده هو طب النبي كان يعمل ايه قاعد مع عظماء قريش لو دول اسلموا العالم هيسلم. وقريش هتسلم. يعني ايه الموقف ده؟ وايه الموضوع ده؟ وايه العبرة العظيمة؟ لكل واحد - 00:37:34

الى ان تقوم الساعة والدليل المعجزة اللي ربنا ايد بها النبي عبس وتولى. لو كان القرآن ده بتاع النبي عمره ما كان هيعمل صورة في نفسه بالمنز ده ولكن لان القرآن ده من عند الله فدي معجزة. يجيب النبي الكلام ده ويقول اقروه ليوم القيامة. سبحان الله العظيم. صدق رسول الله. لولا انه رسول من عند الله - 00:37:54

صدقا ما كانش النبي عليه الصلاة والسلام ابداء. بلغ هذا الكلام وقال لنا نعبد ربنا به ليوم القيامة. المرة الجاية بازن الله سبحانه وتعالى مع آآ باقي صورة عبث سورة النازعات المرة اللي فاتت كانت صورة آآ بتحكي عن قصة واحد متكبر فرعون. صورة عبس بتحكي عن قصة واحد منكسر. عبدالله بن ام مكتوم وهو يخشى - 00:38:14

يعني هنسيبكم بازن الله آآ للمرة الجاية بازن الله سبحانه وتعالى نكمل صورة عبس مع بعض ان شاء الله. ويعني قبل ما اسبيكم يا جماعة التوصية التلات تيام البيض في الشهر العربي - 00:38:34

ومن اول الجمعة والسبت اللي هو النهاردة وبكرة الحد اللي ما صامهمشي ومش مكمل يصوم من اول بكرة لحد اول يوم ويقضي بقى يا جماعة الاتنين والتلات يعني نكمل كده يا جماعة. نقوم لله سبحانه وتعالى. نتوكل على الله - 00:38:44

والله يا اخواني يعني بازن الله سبحانه وتعالى يعني انا عايز قبل ما اسبيكم اوصيكم برضو بوصية خير كل مرة نوصي بعض بوصية خير كده يعني جمعية تبليغ الاسلام هذه الجمعية - 00:38:57

يعني ممكن يكون الواحد اتكلم عنها قبل كده الواحد كل ما بيشوف نشاطهم كل ما بيشوف انجازاتهم كل ما بيشوف الناس اللي بتسلم على ايدهم في العالم بفضل ومنة الله سبحانه وتعالى. الواحد - 00:39:09

بيحس انه واجب مقدس انه يدعم مسل هذه الجمعيات ومسل هذه المؤسسات. اللي بتنقز الكفار من النار. يعني كت مع احد الاخوة اللي هو دلوقتي في البرازيل الى الله هناك وبفضل الله يعني اسلم على ايده لغاية دلوقتي بفضل الله عدد منهم بفضل الله. فكان

موريني صورة لواحدة مادة ايدها كده. وهم كانوا في الموقف ده في البرازيل قبل ما يسافروا - 00:39:19

التانية مادة ايدها كده فقطعت في قلبي فبقول له دي ايه دي؟ قال لي دي استازة في الجامعة في البرازيل تقريبا جامعة سان

باولو. في استازة في الجامعة فضلت واقفة نص ساعة لحد ما خدت الكتب عن الاسلام مجاناً. راحت ثاني يوم رجعت مسلمة. تالت يوم جات لهم برئيس - [00:39:39](#)

الجامعة اللي هي فيها واتنين استازات في الجامعة. اسلموا وخذت الحجاب لهم هم التلاتة هي والاتنين الاستازات. اليوم اللي بعده جت وخذت كتب لكل الجامعة حسيت وهي مبدأتها كده ان العالم كله مادد لنا ايده. ان العالم كله مادد ايده. نزلوا قرية في افريقيا مسلمة. لما وروهم المصحف القرية اتلفت تتصور - [00:39:56](#)

مع المصحف. عمرهم ما شافوا مصحف ولما تصوروا معك كل واحد قطع حطة وحطها في بيته يتبرك بها. من كتاب الله سبحانه وتعالى. يا اخواني يا اخواني يعني احنا عايزين ندعو الى الله. عايزين ندعو غير - [00:40:16](#)

يا اخواني عايزين ندعمهم عشان كده انا هاقول لكم رقم باذن الله سبحانه وتعالى. يعني في هذه الايام المباركة اخلي حطة من دهبك. انا اعرف ناس والله طلوعوا من دهبهم واعطوا من لله سبحانه وتعالى في هذا الامر. اقتطع من قوتك. انا هديكم رقم اكتبوه واحفظوه معكم في كل وقت. وفي اي وقت ومن اول - [00:40:28](#)

كلهم الان حالا ان شاء الله نتصل به وندعم دعوة غير المسلمين. هم كانوا لسة في جنوب افريقيا في كاس العالم. وهيروحو هونج كونجي ان شاء الله في معرض عالمي وهم بيلفوا العالم كله بفضله - [00:40:48](#)

منة الله الرقم ده اكتبوه واحفظوه يا جماعة بتاع جمعية تبليغ الاسلام في اسكندرية صفر عشرة ستة واحد ستة واحد صفر ثلاثة ثلاثة خمسة صفر عشرة ستلاف ومية - [00:40:58](#)

ثلاثة ثلاثة خمسة. ثاني يا جماعة للمرة الاخيرة صفر عشرة ستة واحد صفر صفر ثلاثة ثلاثة خمسة رقم جمعية تبليغ الاسلام. ندعم دعوة غير المسلمين. واحد ينقز مصيره من الخلود في النار في ميزانك - [00:41:20](#)

ما تعرفيش هيبقى قد ايه عند ربنا سبحانه وتعالى دي رسالتنا اللي ربنا ابتعثنا من اجلها. اللهم تب علينا لتتوب. اللهم فقهنا في كتابك العظيم. اللهم اشرح صدورنا للهدى. اللهم اهدنا ويسر الهدى اليها. اللهم يا ربنا اهد غير المسلمين كما هديت المسلمين. اللهم استعملنا لنصرة دينك في الارض. اللهم - [00:41:39](#)

استعملنا ولا تستبدلنا. اللهم اخترنا واصنعنا لنفسك واصطنعنا على عينك يا رب العالمين. اللهم انصر اخواننا المحاصرين في غزة. اللهم ان رمضان واجعله فتحاً على عبادك يا رب العالمين. برحمتك يا ارحم الراحمين. اقول قولي هذا واستغفر الله لي ولكم -

[00:41:59](#)

سبحانك اللهم وبحمدك اشهد ان لا اله الا انت استغفرك واتوب اليك وجزاكم الله خيراً - [00:42:18](#)